

Полный сборник канонов и молитв святителю Николаю,
архиепископу Мирликийскому

Каноны Октоиха, восьми гласов

Г л а с 3

Начало канона см. 01 - Начало канонов.doc

Песнь 1

Ирмос: Поим Господеву, сотворшему дивная чудеса в Черном море: Понтом бо покры противныя и спасе Израиля. Тому Единому поим, яко прославися.

Припев: Святителю отче Николае, моли Бога о нас¹.

Пресветлаго светильника неугасимаго, на земли сущаго столпа и к пристанищу Божественному призывающа, иже волнами житейскими присно потопляемии, Николая вси почтим и любовию ублажим.

Силою Божиею, всеблаженне, укрепляемь, ревность благочестия по разуму стяжал еси. Темже хотящия неправедно умерети избавил еси. Сего ради ты молим: всякаго неправеднаго озлобления избави нас, Николае.

Слава: Моления Господеву, отче, неоскудно приноси ты, яко да грехов, и пламене мучения вечнующаго, и напастей, и скорбей избавит нас, яко един Благий.

И ныне, Богородичен: Ковчег Божественный, иже вместивший Законодавца, наша беззакония вся отъемлющаго ради милосердия Божественнаго несказанныя пучины, Марию Пречистую согласно воспоем.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 3

Ирмос: неплодная душе и безчадная, стяжи плод благославный, веселящися, возопий: утвердихся Тобою, Боже, несть свят, несть праведен, паче Тебе, Господи.

Изощрен меч духовный явился еси, мудре, лукавыя плевелы еретичествующих посекая и добродетелей стези спасительныя верным угладая, отче Николае.

Тебе, источнику, источающе исцелений потоки, молимся, святе: скверны страстей всех нас молитвами твоими омьй, бед и скорбей избавляя.

Слава: Крепкими твоими молитвами низлагая врага, и ныне нань укрепь немощствующая помышления наша страстными прилоги, призыванием святых

¹ Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

твоих моли́тв, о́тче Никола́е.

И ны́не, *Богородичен*: Ум разуме́ти не мо́жет, е́же па́че ума́ рождéние чудéснаго Рождества́ Твоего́, Богороди́тельнице всенепоро́чная, те́мже молю́ Тя: ум мой облагодати́, при́сно сла́вити Тя.

Моли́ Бо́га о нас, святителю́ о́тче Никола́е, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Го́споди, поми́луй. (*Трижды.*)

(Если по 6-й песни читается акафист, то перед седальными читаем кондак и икос.)

Седален, глас 3

Тебе́, проповедника́ истины и пресвѣтлаго свѣтильника́ мѣру, хва́ляще, воспѣва́ем, Никола́е, и вопи́ем, ве́рою моля́щися: я́коже непови́нныя от сме́рти исхитил еси́, та́ко, свя́те, и нас от бед, и скорбе́й, и вся́каго изба́ви лю́таго озлобле́ния.

Слава, и ны́не, Богородичен

Умертви́вшуюся ду́шу мою́ согреше́нми мно́гими, всенепоро́чная Влады́чице, оживи́, я́ко дерзнове́ние ма́тернее к Сы́ну Твоему́ иму́щи, Ты бо еди́на родила́ еси́ па́че ума́ и смы́сла Сло́во собезнача́льное Отцу́ и Ду́ху, живо́т и нетле́ние мѣру да́рующа при́сно и ве́лию ми́лость.

Песнь 4

Ирмос: Приосене́нную го́ру Авваку́м прозря́ше, пречи́стую Твою́ утробу́, Чи́стая. Тем зыва́ше: от юга́ придет Бог и Святы́й от горы́ приосене́нныя ча́щи.

К Бо́гу ходата́я всяк ве́рный всегда́, Никола́е, предлага́ет тя. Те́мже тя мо́лим: от напа́стей лю́тых и паде́ний грехо́вных нас изба́ви, о́тче.

Во́ду живу́ в се́рдцы имы́й, благода́ть Госпо́дню, ороша́еши при́сно, му́дре, знóем скорбе́й и сухото́ю грехо́в бе́дствующих, ока́янне поги́бнути иму́щих, всеблаже́нне.

Слава: Иже изба́вил еси́ иногда́ ведомы́я на сме́рть непра́ведно, всеблаже́нне, ны́не и нас спаса́й от челове́к тлетво́рных стужéния и от вся́кия бесо́вския ле́сти.

И ны́не, *Богородичен*: Вопло́щсея Сло́во премно́жеством благоутро́бия неизрече́нно родила́ еси́. Того́ моли́, Пречи́стая, плотскія стра́сти и скверны́ всех изба́вити, и всех ну́жных жити́я.

Моли́ Бо́га о нас, святителю́ о́тче Никола́е, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Песнь 5

Ирмос: Све́том Твои́м невече́рним Христе́, озари́, Бо́же, смире́нную мою́ ду́шу и наста́ви на страх Твой, зане́ свет повеле́ния Твоя́.

Све́ту чи́стому предсто́я и отту́ду при́сно исходя́щими заря́ми просвеща́емъ, о́тче, испроси́ всем очище́ние и мир.

Мене́ па́че всех челове́к Тебе́ прогна́вавши умо́м неразу́мным, Преблагы́й,

ущёдри, Николая тёплыми молитвами.

Слава: Во унынии иждивша мою жизнь, молюся ти, отче Николае, воздвигни к покаянию мысль мою осквернённую.

И ныне, *Богородичен*: Яко едина Ангелов радость Богородованная, радости исполни мою мысль, сетующую и лениостию погружаемую.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 6

Ирмос: Глубина страстей воста на мя и буря противных ветров, но, предварив мя Ты спаси, Спасе, и избави от тли, яко спасл еси от зверя пророка.

Умертвив воздержанием уды, стяжал еси жизнь нестареемую. Ейже и нас общники твоими молитвами содейлай, мудре, избежанием злаго греха.

Ветрилом священных твоих молитв пучину напастей многообразных и греховных глубин избави нас, ко пристанищу же живота приводя, мудре святителю.

Слава: Украсив мирликий престол, явился еси красотой первосвященником; но молитвами твоими от мирских напастей спасай ны невредимы, святителю.

И ныне, *Богородичен*: Вселившееся во утробу Твою Слово, Мати чистая, древле в человецех вселившуюся от преступления тлю, яко Бог един, вне изгнал есть, за милосердие милости.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Господи, помилуй. (*Трижды.*) Слава, и ныне.

Кондак, глас 3

В Мирех, святе, священнодействитель показался еси, Христово бо, преподобне, Евангелие исполнив, положил еси душу твою о людех твоих и спасл еси неповинныя от смерти. Сего ради освятился еси, яко великий тайник Божия благодати.

Икос

Воспойм ныне святителя песньми, мирским людем пастыря и учителя, да молитвами его просветимся: се бо явися чист весь, нетленен духом, Христу принося жертву непорочно, чисту, Богу благоприятну, яко святитель, очищен и душею и телом, темже сый истинно Церкви предстатель и поборник сея, яко великий тайник Божия благодати.

(Если читается акафист, то кондак и икос читаются по 3-й песни, перед седальнами.)

Песнь 7

Ирмос: Три отроцы в пещи, Троицу прообразивше, прещение огненное попраша и, поюще, вопияху: благословен еси, Боже отец наших.

Губящаго дрѣвле Господни люди безумнаго Ария удавил еси жилами словес твоих, яко пастырь начальный истинен, отче Николае.

Свято прешед пресвятоѣ житиѣ твоѣ, со святыми живѣши, отче Николае, священіе посылая и просвещеніе благочестно тя блажащим.

Слава: Яко готова ты избавителя, яко тепла заступника призываем присно, отче Николае, от страстей нас избави и нечаемых напастей, находящих на ны.

И ныне, *Богородичен*: Мене, небрежением души омрачившаго, просвети, Чистая, Яже Свет рождающая, сердца моего возжизающи светильник, яко да усердием благим славлю Тя.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 8

Ирмос: Ангельми немолчно в вышних славиимаго Бога, небеса небес, земля, и горы, и холмы, и глубина, и весь род человеческий, пѣснями Того, яко Создателя и Избавителя, благословите и превозносите во вся веки.

Землю кратких наследовал еси, кроток, преподобне, быв. Темже молюся ти верно: укроти молитвами твоими подвизающаяся на мя присно лукаваго треволнения.

Якоже избавил еси воеводы, иже неправедно умерети хотящих, тако от человек лукавых озлобления нас избави и от всякаго бесовскаго навета, Николае, моля Спаса.

Слава: Путь показал еси человеком правый и спасительный, на негоже настави нас, в житий переходящих, Николае, молитвами твоими, яко да купно внидем в животная врата.

И ныне, *Богородичен*: Крепость и пение мое есть, Иже из Тебе рождѣйся, Пречистая, Егоже прилежно моли, Дево, ослабленнаго мя страстьми укрепити, и творити спасительная Его повеления.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 9

Ирмос: На Синайстей горе виде Тя в купине Моисей, неопально огонь Божества зачѣншую во чреве; Даниил же Тя виде гору несекомую; жезл прозябший, Исаия зываше, от корене Давидова.

Яко ограждение Божественное, и утверждение, и доброе прибежище, земный мир стяжа ты: ходатайствы бо твоими присно избавляемся от всякаго искушения и тесноты, отче Николае. Темже во хвалении верно ублажаем тя.

Утесняемь быв многими обстоянии, к пространству прибегаю, всеблаженне, теплых молитв твоих; претвори души моея болезни, вопию ти, волны укроти отчаяния и умири моего ума смущение.

Слава: Творца настойт пришествие судити всей земли, и, неготов сый, окаянный, весь устрашаюся, помышляя зол моих множество. Господи долготерпеливе, ущедри и спаси мя Божественными Николая молитвами, преподобнаго Твоего.

И ныне, *Богородичен*: Просвещение мое спасительное явилася еси, рождающая Свет, души моея облаки разгоняющи мрачныя и лютыя; яко да сын дне

моли́твами Твои́ми бу́ду, содева́я преподо́бная, я́ко да в песнословлéнии,
преподо́бне, ублажа́ю Тя.

Моли́ Бо́га о нас, святителю́ о́тче Нико́лае, я́ко мы усéрдно к тебе́
прибега́ем, ско́рому помо́щнику и моли́твеннику о душа́х на́ших.

Окончание канона см. 14 - Окончание канонов.doc